

四分律藏卷第五十二

無二

姚秦三藏佛陀耶舍共竺佛念譯

第四分雜捷度法之二

時天帝釋作如是念我不應令王乘世間常乘即嚴駕大象象有六牙牙皆龐大置於門外時王慧燈見如是象駕問諸大臣此是誰象諸臣答言不知是誰象此必是王象非餘人有耶願王便可乘之王即便乘王言可去示我彼人言我教國人行十惡者彼即示王問言王慧燈教汝行十惡耶答言實爾王

復問言可有方便行十善不答言有問言向者是耶彼答言若得成就菩薩生食其肉飲其血乃得行十善不殺生乃至不邪見時王慧燈作如是念我於無始世已來經歷衆苦輪轉五道或受截手截腳截耳鼻出眼截頭竟何所益即取利刀自割股肉以器盛血授與彼人而告之曰男子汝可食飲此肉血奉行十善時彼男子不堪王慧燈威德即沒不現忽有天帝而在前立問王言王今布施爲一天下二三四天下耶爲日月天帝釋魔王

梵王耶王答言我布施不爲一天下二三四天下乃至魔梵王我作如是意行布施欲求無上正真一切智度未度者解未解者未得涅槃者令得涅槃度生老病死憂悲苦惱如是等者時天帝釋便作是念我今令王慧燈以此瘡死者甚非所以當以天甘露灌其身上即便灌之瘡即平復如故佛告瓶沙王言爾時利益衆生王者豈異人乎即今父王白淨是也時王第一夫人者今母摩耶是時王慧燈者即我身是我於前世教化閻浮提無

數人若男若女能言之者皆行十善不殺生乃至不邪見以是因緣故足下千輪相輪轂成就光明晃曜照三千大千國土爾時大衆見世尊如是神力變化皆大歡喜得未曾有獸離心生世尊觀諸大衆皆大歡喜獸離心生爲無數方便說法令無數百千人即於座上遠塵離垢得法眼淨此是世尊第十五日變化爾時世尊在王舍城時王瓶沙聽諸比丘入出宮閣無有疑難時王宮人著屏處聽若比丘有所言說便來語我彼重宮閣以貴

價戶賒婆材爲柱諸比丘見已作如是言乃以此貴價材作柱也爲諸比丘作鉢者不亦佳乎時彼屏處人聞已往白王王即勑人更作新柱以易取持作鉢施與諸比丘諸比丘不受言佛未聽我等畜戶賒婆木鉢時諸比丘白佛佛言不應畜木鉢此是外道法若畜如法治時瓶沙王以石鉢施諸比丘諸比丘不受言佛未聽我等畜石鉢白佛佛言不應畜此是知來法鉢若畜得偷蘭遮時瓶沙王作金鉢施日丘比丘不受言世尊未聽我等

畜金鉢白佛佛言比丘不應畜金鉢此是白
來法若畜如法治時王瓶沙復作銀鉢作瑠
璃鉢作寶鉢雜寶作鉢施諸比丘比丘不受
言佛未聽我等畜如是鉢諸比丘白佛佛言
不應畜如此等鉢比是白衣法若畜如法治
爾時世尊在婆伽提國毗舍離跋闍子比丘
畜金鉢佛言不應畜彼畜銀鉢瑠璃鉢畜寶
鉢畜雜寶鉢佛言不應畜汝等癡人避我所
制更作餘事自今已去一切寶鉢不應畜若
畜如法治爾時世尊在毗舍離諸梨奢得大

價摩尼鉢以栴檀末香滿鉢奉世尊大德願慈愍故受此摩尼鉢佛言梨奢我不應畜此鉢復白佛言願慈愍故受栴檀末香世尊即受時諸梨奢念言當持此鉢與誰中有言與不蘭迦葉或有言與末佐羅瞿舍羅阿夷頭翅舍欽婆羅與波休迦旃延與訥若毗羅吒子與尼捷那耶子與薩遮尼捷子彼即持鉢與薩遮尼捷子時薩遮尼捷子聞毗舍離諸梨奢以大價摩尼鉢先與瞿曇沙門不受後來與我彼懷憍慢貢高嫉妬之心瞋恚不喜

不自慎護便作惡言若使汝等截諸梨奢舌滿鉢爾乃當受彼作是念薩遮尼捷子太欲傷毀我等種族即以一石打殺彼欲自料理解前惡言而不聽語便打殺諸比丘白佛言若得語者事必得解佛言有五法攝言得自申理不被咎責令彼歡喜後無悔恨何等五善者便說不善者不說如法便說不如法不說愛言便說不愛言不說以實而說不爲虛詐利益故說不以無利有如是五法攝言得自申理不被咎責令彼歡喜後無悔恨

即說偈言

善說者近勝

法說無非法

愛語真實語

利益無有損

善說於言者

令已無熱惱

亦不侵他人

是言爲善說

善說於愛言

不爲彼所責

說時無不愛

諸惡不來集

至誠甘露說

實說爲最上

真實如佛法

便住於涅槃

佛所可說法

安隱至涅槃

能盡於苦際

此言最善說

時王瓶沙布施比丘立鐵鉢不受言佛未聽我等畜鐵鉢諸比丘白佛佛言聽畜鐵鉢

時有鐵作者出家欲爲諸比丘作鉢白佛佛言聽作彼須爐佛言聽作彼須鎰鉗佛言聽作彼須鞴橐聽作彼須錯佛言聽作彼須旋器佛言聽作彼旋器諸物患零落佛言聽作橐盛著杖上龍牙杖上彼畜鉢不熏生垢患臭佛言聽熏彼不知云何熏聽作爐若金若瓦種種泥塗以本子麻子泥裹以灰平地作熏鉢場安支以鉢置上鉢爐覆上以灰塞四邊手按今堅若以新牛屎壅四邊燒之當作如是熏爾時世尊在蘇摩國人間遊行時有

信樂陶師世尊指授泥洹語言取此處土作
如是打如是曬燥如是作泥如是調作如是
鉢如是揩摩如是曬乾已作大堅爐安鉢置
中以蓋覆上泥塗若以佉羅陀木若以棗木
若以尸賒婆木阿摩勒木安四邊燒之彼即

三

五

如佛所敎隨次而作即成特異者

蘇摩鉢

與諸比丘比丘不受言世尊未聽我等畜
是鉢白佛佛言聽畜時世尊在憂伽羅村時
諸比丘得憂伽羅鉢不受言佛未聽我等畜
如鉢白佛佛言聽畜時世尊在憂伽羅村時
諸比丘得憂伽羅鉢不受言佛未聽我等畜
如此鉢白佛佛言聽畜爾時世尊在憂伽羅

諸比丘得憂伽羅鉢不受言佛未聽我等畜
如此鉢白佛佛言聽受時世尊在毗舍離諸
比丘得黑鉢不受言佛未聽我等畜黑鉢白
佛佛言聽畜爾時世尊在舍衛國時諸比丘
得赤鉢不受言佛未聽我等畜如是鉢白佛
佛言聽畜有六種鉢鐵鉢蘇摩鉢憂伽羅鉢
憂伽羅鉢黑鉢赤鉢此總而言二種鉢鐵鉢
瓦鉢有受一斗半有受三斗者此應受持彼
持鉢著塹欲墮處佛言不應爾彼安鉢石欲
墮處佛言不應爾彼安鉢棚閣上佛言不應

爾彼安鉢道中佛言不應爾彼安鉢石上佛
言不應爾彼安鉢有菓樹下佛言不應爾彼
安鉢不平處佛言不應爾彼一手捉兩鉢佛
言不應爾除指隔中間彼一手捉兩鉢開戶
佛言不應爾除用心彼安鉢戶扉後佛言不
應爾彼安鉢戶前佛言不應爾彼安鉢繩牀
木牀下佛言不應爾彼安鉢繩牀木牀間佛
言不應爾除須臾間彼安鉢繩牀木牀角頭
佛言不應爾除須臾間彼立洗鉢墮地破佛
言不應爾彼故失鉢令破更作新者佛言不

應爾彼持長物著鉢中佛言一切物不應著
鉢中彼畫鉢中作蒲萄蔓蓮華像佛言不應
爾彼鉢中作萬字佛言不應爾彼畫鉢作已
名字佛言不應爾彼繩鉢四邊若口佛言不
應爾彼都繻繩鉢佛言不應爾應繻兩分留
一分若有星孔多應盡繻彼安鉢著地壞熏
佛言不應爾應以泥漿灑地安若故壞熏應
安著葉上若草上若故壞熏應作鉢支若復
壞熏以物綬底彼以寶繻底佛言不應用寶
應以白鑲鉢錫彼患廻落佛言應以胡膠若

鎧膠彼不洗鉢便舉餘比丘見惡汗佛言不應爾應洗舉彼不以潔豆洗膩不去佛言不應爾應用潔豆若齒土若灰若牛屎若泥洗彼以雜沙牛屎洗鉢壞鉢佛言不應爾應以器盛水漬牛屎澄去沙用洗鉢若以細末細泥若葉若華若果洗之取令去膩鉢有星憎孔食入中撒出壞鉢隨可撒出便撒出餘者不可出無苦彼洗鉢不乾便舉垢生佛言不應爾應今乾已舉手捉鉢難護持佛言聽作鉢囊盛不繫囊口鉢出佛言應繫丁捉鉢囊

護持佛言應作帶絡肩時比丘挾鉢腋下鉢口向脇道行遇雨脚跌倒地鉢隱脇遂成患佛言不應爾應鉢口外向蘇摩鉢囊中出入患破佛言應作函若箱盛彼用寶作函若箱佛言不應以寶作應以舍羅草若竹木作若鉢相張應以草樹葉若十種衣中一一衣作障隔若從函箱口出佛言應作蓋彼用寶作蓋佛言不應爾應用舍羅草若竹木作若安處不堅應以帶繫龍牙杖上爾時世尊在王舍城時王瓶沙菴婆羅園聽諸比丘出入無

有疑難時六群比丘至守園人所語言我須
菴婆羅菓彼即與復更索次復更與如是遂
食彼果盡後於異時王須菴婆羅果勑傍臣
索果臣即受勑至守園人所索果彼答言果
盡問言何故盡彼答言沙門釋子食盡彼大
臣即議嫌言沙門釋子不知歟足多所求欲
自言我知正法如是何有正法施者雖無歟
受者應知足云何乃食王果盡諸比丘白佛
佛言不應食菴婆羅果爾時諸比丘乞食得
菴婆羅果汁佛言聽飲彼得成者大菴婆羅果

佛言聽食彼得菴婆羅果裝佛言聽飲若未
成酒聽非時飲成酒不應飲若飲應如法治
後於異時菴婆羅果大熟阿難喜食此果往
世尊所頭面禮足却坐一面白佛言菴婆羅
果大熟爾時世尊以此因緣集比丘僧為諸
比丘隨順說法無數方便讚歎頭陀端嚴少
欲知足有智慧之者告諸比丘自今已後聽
食菴婆羅果爾時世尊在拘跋陁時六群比
丘反被拘執更相恐戲時諸居士見皆共譏
嫌沙門釋子不知歟足自稱我知正法反被

拘執更相恐戲如王大臣如是有何正法諸比丘白佛佛言不應反被拘執亦不應更相恐戲時病比丘被拘執毛在內毛著瘡患痛卷二佛言裏著襯身衣若患熱應反被以袈裟覆上時比丘衣壞佛言應補治不知云何補佛言若以線縫若並線縫有孔處物補後孔大以小物補令衣縮小佛言不應爾應及孔大卷二小廣二指補治若補衣時患縮以石鎮四角補若故縮四角堅持張之若故縮應作枕張之不知云何作佛言應以木作彼須繩張佛

言聽與繩張縫之不知以何物縫佛言聽以鳥毛若簪縫若衣細軟壞衣聽針縫彼以寶作針佛言不應爾聽以銅鐵作針縫衣患指痛佛言聽作揩彼以寶作指揩佛言不應爾聽用銅鐵骨牙角聽鉛錫白鑽胡膠木作彼縫衣時患曲聽繩墨拼令直彼須絳縷佛言應與彼欲染縷用絳衣須石灰若赤赭土若白墡若墨若雌黃一切聽與若中央不定應以尺度量彼以寶作尺度佛言不應以寶作聽以銅鐵乃至以木作彼張衣著地縫塵空

衣佛言聽以泥槃灑地已張彼縫衣時鍼刺
地壞佛言不應爾彼於賒婆羅草上敷衣縫
草著衣佛言不應爾彼敷衣草上葉上合草
葉縫佛言不應爾聽十種衣中一一衣若伊
無二
梨延陀耄羅耄耄羅毛毘敷上縫彼比丘患
繩墨拼線尺度縷線針刀子補衣物零落佛
言聽作囊盛彼不舉衣枕兩漬佛言應收舉
不知舉何處佛言聽安著經行堂中若溫室
食堂中張衣枕大戶不受不得入應安外無
雨處若風雨飄漬應高懸彼補衣竟解衣取

餘木不舉佛言應舉不知安著何處佛言安
著閣下若牀上彼不舉繩索佛言應卷繫著
衣枕舉之時諸比丘患針零落佛言聽作針
氈故患零落聽作筒彼用寶作佛言不應用
寶作聽用銅鐵乃至竹木作患針從筒口出
佛言應安蓋塞彼用寶作佛言不應用寶作
聽用銅鐵乃至竹木作若針生應著麁中若
致患生隨著餘物取令不生時諸比丘患針
筒刀子碎納縷線零落佛言聽作囊盛若此
諸物從口出應以繩繫若手捉難護應作帶

絡著肩時比丘鐵鉢穿破佛言聽補若著丁
若朱泥若以樹膠膠蘇摩鉢穿壞佛言聽以
胡膠塞若石灰若白墡土迦羅黑鉢破應鑽
作孔以針縷綴彼須鑽佛言聽作彼用寶作
佛言不應用寶聽用銅鐵若患縷線斷應用
筋若用牛馬尾毛若患蟲取筋線應以胡膠
膠上若患食若水入內亦以胡膠膠之若復
患壞以鐵鏘鏘爾時世尊在王舍城諸比丘
於阿蘭若處以火珠出火有賊以珠故來觸
惱比丘諸比丘白佛佛言不應在阿蘭若處

以火珠出火時諸比丘須火佛言聽比丘於
阿蘭若處作火術出火須火毋木聽作須鑽
火子聽作彼須繩所須之物一切聽與彼患
鑽火具零落聽作囊盛無安處患濕聽懸著
牀下若龍牙杖上彼不知以何物承火應以
草若葉芻摩若麻翅奢草若以牛馬屎取火
第三時比丘數數鑽火破手患痛佛言聽於屏處
以火珠出火爾時世尊在舍衛國六群比丘
用雜蟲水諸居士見皆共譏嫌沙門釋子無
有慈心斷衆生命自稱言我知正法如是何

有正法諸比丘白佛佛言不應用雜蟲水聽作漉水囊不知云何作佛言如杓形若三角若作宏娜若作漉瓶若患細蟲出聽安沙囊中彼以雜蟲沙棄陸地佛言不應爾聽還安著水中時有二比丘共鬪在拘薩羅國行一比丘持漉水囊漉水飲其一伴比丘從借囊不與遂不得水飲患極諸比丘白佛佛言有者應與比丘不應無漉水囊行乃至半由旬提國六群比丘二人同被褥卧餘比丘見謂著水中時有二比丘共鬪在拘薩羅國行一

與女人共宿後起時乃知非女人諸比丘白佛言不應二人同牀宿彼疑不與病人同牀佛言聽與病人同牀卧爾時世尊在婆祇提國六群比丘二人同被褥卧餘比丘見謂與女人共卧後起時方知非女人諸比丘白佛言不應二人同被褥卧時諸比丘正有一敷若草若葉佛言聽此敷上各別敷卧既臥寒時正有一被聽內各別被襯身衣外通覆爾時世尊在舍衛國時六群比丘同一鉢食時諸居士見皆共譏嫌言沙門釋子不知

慚愧自稱我知正法如是有何正法二人同一鉢食猶如王大臣諸比丘白佛佛言不應二人同鉢食時比丘共一器盛飯佛言應分餘器中別食若無別鉢聽食時留半與彼食若日時欲過聽一人取一搏食已授與彼人令取食時六群比丘亞臥枕於案上食時諸居士見皆共譏嫌言沙門釋子不知慚愧自稱言我知正法如是有何正法亞臥而食如似王大臣諸比丘白佛佛言不應爾時諸上座老病比丘不能自手捉鉢食聽著繩牀木

牀角頭若安瓶上時六群比丘於繩牀木牀上立牀繩斷令禱破諸比丘白佛佛言不應爾若比丘欲有所取有所舉聽牀杖上立時諸外道大繩牀作小繩牀畜六群比丘法外道如是畜繩牀諸比丘白佛佛言不應爾迦留陀夷身大浴室宁牀小不受彼疑不敢取外大牀作小牀浴佛言聽浴室中安大小狀浴時六群比丘畜白衣器耕犁若撈白佛佛言不應畜彼畜寶澡罐澡盤佛言不應畜時有比丘名耶波徒或禮事諸外道若火若日

月若不語道種種外道法諸比丘白佛佛言
不應事餘種種外道法爾時有比丘在阿蘭
若處喫食餘比丘語言汝犯非時食彼言我
不犯非時食我喫耳諸比丘白佛佛言此比
丘適從牛中來生此若其不爾不得久活若
餘比丘有如是病如是以爲便身無患喫食
出未出口得還咽時祇桓中有鳥有鸚鵡鳥
作聲亂諸坐禪比丘佛言應作聲驚令去若
彈弓打木令去時諸比丘夜集往布薩處患
闇佛言聽執炬若坐處復闇聾然燈彼須然

燈器聽與須油須燈炷聽與若不明高出炷
若油污手聽作樞若患樞火燒聽作鐵樞若
患燈炷卧聽炷中央安鐵炷若故不明聽大
作炷若復故間應室四角安燈若復不明應
作轉輪燈若故不明應室內四周安燈若安
燈荷若以瓶盛水安油著上以布裹芥子作
炷然之爾時毗舍佢無夷羅母遣人送六種
物獨坐繩牀火爐燈籠掃帚扇斗諸比丘不
受白佛佛言聽受餘者斗不應受時有比丘
字勇猛婆羅門出家往世尊所頭面禮足却

坐一面白世尊言大德此諸比丘衆姓出家
名字亦異破佛經義願世尊聽我等以世間
好言論修理佛經佛言汝等癡人此乃是毀
損以外道言論而欲雜糅佛經佛言聽隨國
俗言音所解誦習佛經爾時有比丘拘薩羅
第十二國在道行至一屏處欲大小便利時有女人
亦至屏處欲大小便去此處不遠有池水時
比丘往彼池水洗彼女人亦至彼池水上洗
時諸居士見作如是言此比丘從彼間出自
洗女人亦爾比丘必犯此女人諸比丘聞白

佛言不應在如是處大小便令人生疑亦
不應在池水上洗爾時跋難陀釋子向暮至
白衣家在內坐須臾便出不語主人而去時
賊白日伺其家暮遇門開即便入劫奪其家
家主問言誰暮開門出去家人答言是跋難
第十三陀釋子時諸居士皆譏嫌言沙門釋子無有
慙愧自稱言我知正法乃與賊共期來劫我家
如是何有正法時諸比丘白佛佛言不應
白佛土白衣家時諸比丘爲佛事法事僧事
塔事病比丘事若檀越喚逼暮比丘疑不敢

徃佛言若有如是事應徃時跋難陀釋子欲
意爲女人說法彼女人察知即語言汝何不
自爲說法諸比丘白佛佛言不應以欲意說
法時六群比丘與女人卜占佛言不應爾復
從人卜占佛言不應爾時六群比丘共他賜
物佛言不應爾彼得物便取佛言不應爾六
群比丘共携手在道行撥他令倒地時諸居
士見皆共譏嫌言沙門釋子不知慙愧無有
厭足自言我知正法共携手在道行如王大
臣如是何有正法諸比丘白佛佛言不應爾

時諸比丘道路行有人施革屣盛油華瓶諸
比丘疑不敢受佛言聽受時六群比丘出息
物白佛佛言不應爾時六群比丘從地舉息
物白佛佛言不應爾時六群比丘共他闡諲
反抄衣衣繩頭裹頭通肩被衣著革屣共上
座語諸比丘白佛佛言不應爾應偏露右肩
脫革屣至上座前小曲身合掌白如是言我
欲有所白上座應答言如法如律說時跋難
陀在道行持好大圓蓋諸居士遙見謂是王
若大臣恐怖避道去彼不遠諦視乃知是跋

難陀即皆譏嫌言沙門釋子多欲無厭自稱
言我知正法而持大好圓蓋在道行猶如王
大臣令我等恐怖避道如是有何正法諸比
丘白佛佛言比丘不應持圓蓋在道行亦不
應畜時諸比丘天雨時往大食上小食上若
夜集時布薩時雨漬衣新染色壞諸比丘白
佛佛言聽爲護衣故在寺內樹皮若葉若竹
作蓋彼須蓋料佛言聽作彼用寶作佛言不
應用寶作聽以骨牙角白鑲鉑錫木作彼須
蓋子佛言聽作彼用寶作佛言不應用寶作

聽用骨乃至木作彼須蓋宏佛言聽與彼用
寶作佛言不應用寶聽用骨乃至木作彼欲
覆蓋頂聽用多羅樹葉摩樓葉樹皮覆若患
四邊壞聽重疊彼須蓋杆佛言聽作彼用寶
作佛言不應用寶作聽用骨牙角乃至木作
彼作蓋杆長門中不得入出佛言應解脫作
若患蓋杆脫應作孔安揭若折若曲聽以鐵
三五作揭頭作鎖繫時跋難陀釋子盛鉢絡囊中
貲杖頭肩荷而行時諸居士見謂是王家人
來恐怖避道去不遠乃知是跋難陀皆共譏

嫌言沙門釋子不知歟足無有慙愧自稱言
我知正法如是何有正法諸比丘白佛佛言
不應爾亦不得畜如是杖絡囊時老病比丘
道行倒地佛言老病聽捉杖患杖下頭盡聽
作鎗彼用寶作佛言不應用寶聽用骨牙角
白鑑鉛錫作若上頭破亦聽用如是等物作
時六群比丘畜空中杖時諸居士皆共譏嫌
言沙門釋子不知歟足無有慚愧自稱我知
正法乃持空中杖如王大臣如是何有正法
時諸比丘白佛佛言不應爾諸比丘道行見

蛇蠍蜈蚣百足未離欲比丘見皆怖白佛佛
言聽捉錫杖搖若筒盛破石搖令作聲若搖
破竹作聲時六群比丘捉王大圓扇諸居士
見皆譏嫌言沙門釋子不知歟足無有慚愧
自稱言我知正法捉大圓扇如王大臣如是
何有正法諸比丘白佛佛言不應爾彼得已
成者疑不敢受白佛佛言聽受與塔時諸比
丘在道行患熱白佛佛言聽以樹葉若枝若
草十種衣中一一衣作扇時六群比丘捉皮
扇佛言不應畜六群比丘縱橫十木以皮繩

上作扇佛言不應畜時比丘扇壞佛言聽以樹皮若葉補若皮補若墮應以線縫若縫線斷應以筋線縫若邊壞應以皮纏時諸比丘大小食上若衣集時說戒時患熱佛言聽作大扇若作轉關扇車不知誰推傍言聽比丘若沙彌若守園人若優婆塞推時無二六群比丘作織毛能扇多殺細蟲若草時諸居士見皆譏嫌言沙門釋子無有慙愧害衆生命自稱言我知正法捉能扇害衆生命如是何有正法諸比丘白佛佛言不應畜如是能扇時諸

比丘患蟲草塵露墮身上佛言聽作拂不知云何作佛言聽以草若樹皮葉以縷線作若裁碎縉帛作時有比丘得尾拂諸比丘白佛佛言聽畜爾時世尊在王舍城時優波離與諸比丘共論法律時諸比丘其來聽戒坐處連狹不相容受佛言相降三歲聽共坐木牀相降二歲聽共坐小繩牀新學年少比丘不解事數相涉聽用筭子記數彼用寶作佛言不應用寶聽用骨牙角銅鐵鉈錫白鑽木作彼安置地汚手佛言不應置地應安板上彼

安板置地已復安膝上汚衣佛言不應爾應
安脚作机_波筭子患零落聽作囊盛不繫從
口出聽以繩繫安杖上龍牙杖上爾時世尊
在祇桓園中與無數百千衆圍遶說法時有
比丘噉蒜遠佛住時世尊知而故問阿難此
比丘何故遠住阿難言此比丘_十噉蒜佛言阿
難寧可貪如是味而不聽法耶自今已去一
切不應噉蒜爾時舍利弗病風醫教服蒜佛
言聽服時有比丘_廿負物行諸居士見皆譏
嫌沙門釋子猶如白衣_廿負物而行皆生慢

心諸比丘白佛佛言不應_廿負物行時諸比
丘須薪若染草牛屎毳絳欲自擔持佛言聽
無人處擔若見白衣應下著地若移著頭上
肩上時有比丘伊利阿若著衣諸居士見皆
譏嫌言如我白衣如是苦衣擔物皆生慢心
白佛佛言不應如是著衣亦不應背負物行
時諸比丘於寺內聚集毾石材木彼畏慎不
敢背負移徙白佛佛言聽寺內背負時舍利
弗目連般涅槃已有檀越作如是言若世尊
聽我等爲其起塔者我當作諸比丘白佛佛

言聽作彼不知云何作佛言四方作若圓若八角作不知以何物作白佛佛言聽以石塈若木作作已應泥不知用何等泥佛言聽用黑泥若糞泥若牛屎泥若用白泥若用石灰若白墡土彼欲作塔基佛言聽作彼欲華香供養佛言聽四邊作欄楯安華香著上彼欲上幡蓋佛言聽安懸幡蓋物彼上塔上護塔神瞋佛言不應上若須上有所取聽上彼上欄上護塔神瞋佛言不應上若須上有所取聽上彼上柱上龍牙杙上佛言不應爾若須

上有所取與聽上彼上像上安蓋供養佛言不應爾應作餘方便凳上安蓋彼塔露地華香燈油幡蓋妓樂供養具雨漬風飄日曝塵土坌及烏鳥不淨汚佛言聽作種種屋覆一切作屋所須應與若地有塵應泥若黑泥牛屎泥若須白以石灰泥白墡泥彼須洗足器應與須石作道行佛言聽作彼須地敷聽與門聽作時舍利弗目連檀越作如是念彼二人存在時我常供養飲今已涅槃若世尊

聽我等送上美飲食供養塔者我當送諸比丘白佛佛言聽供養不知用何器盛食佛言聽用金銀鉢寶器雜寶器不知云何持行佛言聽象馬車乘載若舉若頭戴若肩擔時諸比丘自作伎若吹貝供養佛言不應爾彼畏慎不敢令白衣作伎供養佛言聽彼不知供養塔飲食誰當應食佛言比丘若沙彌若優婆塞若經營作者應食時舍利弗目連檀越作是念佛聽我等莊嚴供養塔者我當作佛言聽彼須華香瓊瑤妓樂幢施燈油高臺車

佛言聽作彼欲作形像佛言聽作彼不知云何安舍利應安金塔中若銀塔若寶塔若雜寶塔若以繒綿裹若以鉢肆醜嵐婆衣若以頭頭羅衣裹復不知云何持行佛言聽象馬車乘輦舉駄載若肩上頭上擔載若欲傾倒應扶持彼自作伎供養佛言不應爾彼畏慎不敢令白衣作伎供養佛言聽彼欲拂拭聲聞塔佛言應以多羅樹葉摩樓樹葉若孔雀尾拂拭彼大有華聽著塔基上若欄上若龍牙杙上若嚮中若繩貫懸著屋簷前若有多

香泥聽作手像輪像摩醯陀羅像若作藤像
共作蒲萄蔓像若作蓮華像若故有餘應泥
地爾時世尊在王舍城時恭敬世尊故無敢
與佛剃髮者只有一小兒無知未有所畏爲
佛剃髮時小兒字優波離爲佛剃髮其父母
在世尊前合掌白言優波離小兒爲世尊剃
髮爲好不佛言善能剃髮乃便身安樂而太
曲身父母即語言汝莫太曲身令世尊不安
復問佛言小兒剃髮好不佛言善能剃髮身
太直父母語言汝莫太直身令世尊不安復

白佛言小兒剃髮好不佛言善能剃髮而入
息太麤父母語言汝莫麤入息令佛不安復
白佛言小兒剃髮好不佛言善能剃髮而出
息太麤父母語言汝莫麤出息令佛不安時
小兒優波離入出息盡入第四禪爾時世尊
告阿難言優波離已入第四禪汝取彼手中
刀阿難受教即取刀是時阿難持故盛髮器
收世尊髮佛言不應以故器盛如來髮應用
新器若新衣若繒綵若鉢肆釅嵐婆衣若頭
頭羅衣裹盛時有王子瞿波離將軍欲往西

方有所征討來索世尊鬚髮諸比丘白佛佛
言聽與彼得已不知云何安處佛言聽安金
塔中若銀塔若寶塔若雜寶塔繒絲若鉢肆
釀嵐婆衣頭頭羅衣裏不知云何持佛言聽
象馬車乘若輦輶若頭上若肩上擔時王子
持世尊髮去所往征討得勝時彼王子還國
爲世尊起髮塔此是世尊在世時塔諸比丘
作如是言若世尊聽我等擔世尊髮行我等
當持行諸比丘白佛佛言聽不知云何安處
佛言聽安著金塔若銀塔若寶塔若雜寶塔

若鉢肆釀嵐婆衣若頭頭羅衣裏不知云何
持行佛言象馬車乘輶輶若肩上若頭上擔
戴彼腋下挾世尊塔佛言不應爾彼反抄衣
纏頸裏頭通肩被衣若著革屣擔世尊塔佛
言不應爾應偏露右肩脫革屣若頭戴若肩
上擔世尊塔行彼持世尊塔徃大小便處佛
言不應爾應清淨持彼不洗大小便處持世
尊塔佛言不應爾應令淨者持彼安如來塔
宜不好房中已在上好房中宿佛言不應爾
應安如來塔置上好房中已在不好房宿彼

安如來塔置下房已在上房宿佛言不應爾應安如來塔在上房已在下房中宿彼共如來塔同屋宿佛言不應爾彼爲守護堅牢故而畏慎不敢共宿佛言聽安枕上若龍牙杙上若頭邊而眠時諸優婆塞作如是念若世尊聽我等及世尊現在起塔者我當起立諸比丘白佛佛言聽作不知云何作佛言應四方若八角若圓作復不知以何物作佛言應以甄石若木作一切如上法乃至地敷亦如上彼須幢佛言聽作幢若師子幢若龍幢若

作犧牛幢彼塔四邊無籬障牛羊踐踏無礙應作籬障如上時諸外道塔廟常作飲食供養諸優婆塞作如是念若世尊聽我送上好食供養者我當作諸比丘又白佛佛言聽作如上不知誰當應食此食佛言作塔者應食時諸外道常莊嚴供養外道塔廟諸優婆塞作如是念若世尊聽我等莊嚴供養世尊塔者我當作諸比丘白佛佛言聽作如上彼在世尊塔內宿佛言不應爾彼爲守塔故畏慎不敢在塔內宿佛言若爲守視者聽內宿彼

於塔內藏物佛言不應爾彼爲堅牢故欲於
塔內藏物而畏慎不敢佛言聽彼著革屣入
塔內佛言不應爾彼捉革屣入塔內佛言不
應爾彼著革屣旋塔行佛言不應爾彼著富
羅入塔內佛言不應爾彼捉富羅入塔內佛
言不應爾彼畏慎不敢著富羅旋塔外行佛
言聽彼於塔下食汚穢佛言不應塔下食時
諸比丘^三比丘旋塔時若房舍時若浴池時衆多僧
集會處所迮狹不相容受彼畏慎不敢住塔
下坐食世尊不聽在塔下坐諸比丘白佛佛

言聽塔下坐食不應今汚穢不淨時諸比丘
不知云何佛言聽以不淨衆物聚著脚邊食
已持去彼持死屍塔下過佛言不應爾彼於
塔下埋死人佛言不應爾彼於塔下燒死屍
佛言不應爾彼於塔前燒死屍佛言不應爾
彼於塔四面燒死屍令臭氣入護塔神瞋佛
言不應爾於塔四面燒死屍令臭氣入彼持
死人衣若牀從塔下過護法神瞋佛言不應
爾彼著糞掃衣比丘畏慎不敢持糞掃衣從
塔下過世尊有如是教不聽持死人衣塔下

過諸比丘白佛佛言若淨浣染以香熏之聽
彼於塔下大小便佛言不應爾彼於塔前大
小便佛言不應爾彼於塔四邊大小便令臭
氣來入護塔神瞋佛言不應爾彼於塔下嚼
楊枝佛言不應爾彼於塔前嚼楊枝佛言不
應爾彼於塔四邊嚼楊枝佛言不應爾彼於
塔下涕唾佛言不應爾彼於塔前涕唾佛言
不應爾彼於塔前舒脚坐佛言不應爾若僧
伽藍內塔滿聽在中間舒脚坐爾時世尊在
拘薩羅國與千二百五十比丘人間遊行往

都子婆羅門村到一異處世尊笑時阿難即
作是念今世尊以何因緣笑耶世尊不以無
因而笑偏露右肩脫革屣右膝著地合掌白
佛言世尊不以無因而笑向者以何故而笑
願欲知之佛告阿難乃往過去世時有迦葉
佛般涅槃已時有翅跋伽尸國王於此處七
歲七月七日起大塔已七歲七月七日興大
供養坐二部僧於象蔭下供第一飯時去此
處不遠有一農夫耕田佛從彼間取一搏泥
來置此處而說偈言

設以百千瓔珞 皆是闇浮檀金
不如以一搏泥 爲佛起塔勝
設以金百千搏 皆是闇浮檀金
不如以一搏泥 爲佛起塔勝
設以金百千擔 皆是闇浮檀金
不如以一搏泥 爲佛起塔勝
設以金百千抱 皆是闇浮檀金
不如以一搏泥 爲佛起塔勝
設以金百千抱 皆是闇浮檀金
不如以一搏泥 爲佛起塔勝
設以金百千壁 皆是闇浮檀金
不如以一搏泥 爲佛起塔勝

設以金百千巖 皆是闇浮檀金
不如以一搏泥 爲佛起塔勝
設以金百千山 皆是闇浮檀金
不如以一搏泥 爲佛起塔勝
時諸比丘比丘尼優婆塞優婆夷皆以一搏
泥著此處即成大塔時諸比丘患屋內臭佛
言應灑掃若故臭以香泥泥若復臭應屋四
角懸香時世尊在毗舍離時衆僧大得飯食
供養諸比丘不節遂成患佛言應服藥彼須
吐下應吐下彼須粥與粥須野鳥肉應與爾

時耆婆童子治衆僧病爲佛及僧作吐下藥
作粥及野鳥肉羹不能供足往世尊所頭面
禮足却住一面白世尊言大德諸比丘得病
若聽諸比丘作浴室浴者可得少病時世尊
默然聽可時耆婆童子知佛聽可即從座起
前禮佛足遶佛而去時世尊以此因緣集比
丘僧而爲方便隨順說法讚歎頭陀端嚴少
欲知足樂出離者告諸比丘聽諸比丘作浴
室洗浴

四分律藏卷第五十二